

qualcosa, *adeo* el Consejo udi questo, el Principe fe' licentiar el Pregadi et non andò la dita parte.

Fu prima posto, per li Consieri, Cai di XL e Savii, poi leto una suplication di Agustin Dolze popular, debitor di la Signoria nostra, di suspender li soi debiti per anni do: e fu presa: 192, 8.

84 Fu posto, per sier Zuan Dolfin, sier Francesco Bernardo, sier Hironimo Querini et sier Andrea di Prioli provedadori sora la merchadantia, absente sier Michiel Morexini per invalidudine, atento che bergamaschi, brexani, cremaschi e altri subditi nostri conduseno ne le terre nostre pani lavoradi d'oro e di seda, specie, zuchari, cere, saoni, alumi e altre robe e merchadantie devedate per le leze nostre trate di lochi alieni, contra la forma de la parte presa in questo Consejo 1503 a di 30 Lujo, e dicono averle trate di questa città nostra, et non mostrano le bolete a li vardiani di le poste, però sia preso che niun sia chi se voglia possa trar di questa città de le robe devedate, *ut supra*, se prima apresso la boleta non li sarà fato una contro letera a l'oficio de l'Insida, senza alcuna spesa, qual debbi apresentar a li retori di lochi dove le sarano destinate, sotto pena di perder le robe: e sia publicà dita parte in li lochi soliti. Ave 189, 13.

Fu posto, per li ditti: atento che a di 28 Novembro passato fusse preso non si potesse trazer robe di alcuna terra da mar con nostri navilii per Golfo se i non davano una piezaria dove le trariano, *ut in ea*. Et perchè si ha quelli di Chioza e da Corphù e altri lochi vano con barche, navilii et gripi in diversi lochi alieni e cargano ogii, mandole, uva passa, valonie, formazi, vini, carne salade e altre merchadantie devedate per le leze nostre, e quelle conduseno in altre terre; però sia preso che non si possi andar a cargar in alcun loco non sotoposto al Dominio nostro alcun nostro subdito per condur merchadantie di alcuna sorte dal Golfo in qua con sue barche over navili in lochi alieni, soto pena di contrabando e di perder le barche o navilii e pagar ducati 300, e sia bandito di quel loco over tera dove l'abitasse per anni 10; la qual pena uno terzo sia di l'acusador, qual sia tenuto secreto, uno di quel rector over offitio a chi sarà fato la denontia, e uno terzo di l'Arsenal nostro; nè se li possi far gratia salvo per i quatro quinti di questo Consejo congregado da numero 150 in suso. *Item*, li famegli che acuserano, haver debbi el salario integro e il terzo de la condanason, et sia tenuti secreti, et sia publicà la dita parte etc. 175, 12.

84* Fu posto, per li ditti, atento el si observa in l'isola nostra di Candia una perniciososa forma con graveza

de la merchadantia e senza utilità de la Signoria, per modo molti restano far facende a quel viazo, e questo perchè tute le merchadantie capitano in qualunque tera e loco de dita isola per transito, molte volte li vien fato pagar el dazio consueto de le 4 per 100, come se li havesseno venduto la roba sua; e quando poi le portano e vendeno altrove in ditta insula sono *etiam* astrelì a pagar un'altra volta dite 4 per 100, però vengono a pagar hora due, hora tre fiato ditto dazio, et fu per sier Bernardo Barbarigo *olim* capitano di Candia termenà, essendo a la zercha, che *solum* si pagasse uno solo dazio, la qual termenation vien poco observata, però l'anderà parte, però sia presa che cadauna merchadantia capiterano in ciascuna terra e loco di dita isola di Candia per transito, habi el condutor, termene mexe uno e mezo, a poterla trazer di quel loco per le altre tere de li senza el dazio de le 4 per 100; e non l'avendo trata, debbi pagarli el predito dazio, e portandole fuora, pagi el dazio dove le porterano, per tanto quanto le venderà. *Item*, perchè molte volte merchadanti per non aver pasazo che li piacqui, trazeno le robe sue da uno loco a l'altro de dita ixola con barche, over navilii piccoli per trovar mior e più sicuro pasazo per condur le robe in questa città, havendo però pagato el suo primo dazio dove prima le hanno trato; sia preso che non li possi esser tolto alcun dazio in alcun loco de dita ixola, mostrando loro aver pagato il datio suo dove harano trato la roba. *Item*, perchè se intende che li zerchii e alcune altre robe pagano in Candia tal più e tal manco dazio de le 4 per 100, però sia dechiarito che per el presente ordine non sia alteradi li datii, ma tutti pagi il dazio consueto, et *solum* una volta. Ave 173, 14, 0.

Scurtinio di un Savio dil Consejo.

85

Sier Daniel Renier, fo capitano a Verona, qu. sier Constantin	79.128
Sier Hironimo Justinian el procurator	75.129
Sier Antonio Condolmer, fo savio a Terra ferma, qu. sier Bernardo	45.161
Sier Zuan Venier, el Cao dil Consejo di X, qu. sier Francesco, qu. sier Alexandro procurator	85.109
Sier Gasparo Malipiero, fo Cao dil Consejo di X, qu. sier Michiel	61.141
Sier Marco Antonio Loredan, fo capitano a Padoa, qu. sier Zorzi	46.154
Sier Zorzi Pixani dotor e cavalier, fo savio dil Consejo	95.107